



Sarajevo, 30.07.2018. godina

Na osnovu Zakona o poticaju razvoja male privrede ("Službene novine Kantona Sarajevo", broj: 29/15), Zaključka Vlade Kantona Sarajevo, broj: 02-05-26226-26/18 od 28.06.2018. godine, kojim je usvojen Godišnji plan provođenja Programa zapošljavanja mladih u Kantonu Sarajevo za 2018. godinu, Budžeta Kantona Sarajevo za 2018. godinu ("Službene novine Kantona Sarajevo", broj: 51/17) i Sporazuma o poslovno - tehničkoj saradnji između Ministarstva privrede Kantona Sarajevo i Privredne komore Kantona Sarajevo, broj: 5-57/18 od 20.07.2018. godine, objavljuje se

JAVNI POZIV
za podnošenje aplikacija za
Projekat podrške mladim osobama za započinjanje posla - "Start - up"

Predmet javnog poziva

Predmet ovog poziva je realizacija Projekta podrške mladim osobama za započinjanje posla – "Start - up" (u daljem tekstu: Projekat), kojeg realizuju Ministarstvo privrede Kantona Sarajevo (u daljem tekstu: Ministarstvo) i Privredna komora Kantona Sarajevo (u daljem tekstu: PKKS).

Opšti cilj

Projekat predstavlja razvoj i promociju preduzetničkog duha i podsticanje preduzetništva mladih, kao i unapređenje efikasnosti i institucionalne podrške poslovanju i razvoju subjekata male privrede (u daljem tekstu: MSP) i preduzetnika u skladu sa Zakonom o poticaju razvoja male privrede. Projekat obuhvata: realizaciju obuka, bespovratna sredstva i mentorsko praćenje MSP i preduzetnika. Projekat će pružanjem nefinansijske i finansijske pomoći podržati ciljnu grupu kroz obuku za započinjanje biznisa i izradu biznis plana, bespovratnu pomoć za finansiranje najboljih poslovnih ideja i mentoring za privredne subjekte u ranoj fazi razvoja.

Ciljna grupa

Pravo na učešće u Projektu imaju fizička lica koja nemaju zaposlenje, ali imaju kvalitetnu poslovnu ideju za samozapošljavanje i samostalni početak biznisa. Ciljnu grupu čine: mladi u dobi od 18 do 30 godina (u trenutku objavljivanja Javnog poziva).

Uslovi za učešće

Projekat se realizuje u *dvije faze*, i to:

- I faza Projekta: *Obuka za započinjanje biznisa i*
- II faza Projekta: *Dodjela bespovratnih sredstava i mentoring.*

1. U prvoj fazi Projekta (Obuka za započinjanje biznisa), pravo na učešće imaju mlade osobe, koje:

- imaju poslovnu ideju vezanu za obavljanje proizvodnje, prerade ili pojedinih uslužnih djelatnosti (npr. IT sektor, turizam, inovativne djelatnosti, kreativne industrije i slično);
 - za iste aktivnosti za koje konkurišu za dodjelu bespovratnih sredstava nisu koristili poticajna sredstva koja potiču iz budžeta Kantona Sarajevo i/ili budžeta jedinica lokalnih samouprava ili donatorskih organizacija.
2. U drugoj fazi Projekta (Dodjela bespovratnih sredstava i mentoring), pravo na učešće imaju mlade osobe, koje:
- završe obuku za započinjanje biznisa, iz prve faze Projekta;
 - imaju urađen biznis plan, u kojem je razrađena poslovna ideja, kandidovana u prvoj fazi Projekta, s tim da naknadne promjene poslovne ideje nisu dozvoljene;
 - obezbijede sopstveno učešće - minimalno 20% sredstava od ukupnog iznosa opravdanih troškova projekta.

Uslov za dodjelu bespovratnih sredstava i mentoring jeste podnošenje zahtjeva za registraciju privrednog društva, odnosno rješenja o registraciji obrta.

Bespovratna sredstva se mogu koristiti isključivo za nabavku osnovnih sredstava, kao i za operativne troškove poslovanja, maksimalno do 20% vrijednosti projekta.

Poticajna sredstva ne mogu se koristiti za: organizovanje igara na sreću, lutrija i sličnih djelatnosti; proizvodnju i promet bilo kog proizvoda ili aktivnosti koje se prema domaćim propisima ili međunarodnim konvencijama i sporazumima smatraju zabranjenim; promet nafte i naftnih derivata; primarnu poljoprivrednu proizvodnju; bilo koji oblik trgovačke i ugostiteljske djelatnosti.

Ukupna raspoloživa sredstva za realizaciju Projekta iznose: 460.000,00 KM.

Za provođenje druge faze projekta sredstva se, u zavisnosti od ocjene predloženog biznis plana, dodjeljuju u iznosu od 10.000,00 do 20.000,00 KM, što predstavlja do 80% ukupne vrijednosti opravdanih troškova projekta, uz obavezu korisnika da obezbijedi sopstveno učešće od minimalno 20% od ukupne vrijednosti opravdanih troškova projekta.

Korisnici koji za realizaciju svoje poslovne ideje dobiju poticajna sredstva u iznosu većem od 10.000,00 KM imaju obavezu da, pored samozapošljavanja, zaposle najmanje jedno lice u roku od dvije godine od datuma potpisivanja ugovora sa Ministarstvom i PKKS.

Korisnik bespovratnih sredstava je u obavezi da posluje minimalno tri godine i u tom periodu nije mu dozvoljeno otuđenje osnovnih sredstava i/ili smanjenje broja zaposlenih u okviru prihvaćenog Projekta. Zainteresovana lica mogu podnijeti samo jedan zahtjev za dodjelu paketa podrške. Opravdani troškovi za koje se odobravaju bespovratna poticajna sredstva po osnovu prihvaćenog Projekta su troškovi početnog ulaganja u materijalnu imovinu u korist implementacije projekta (uređenje i/ili zakup poslovnog prostora; nabavku mašina, opreme i slično).

Pod materijalnom imovinom podrazumijevaju se:

a) poslovni prostor, postrojenja, mašine i oprema, a koja se kao opravdani troškovi ulaganja priznaju ako ih koristi isključivo korisnik sredstava, a mogu biti: ulaganja u nabavku proizvodnih mašina i proizvodne opreme (u trenutku objavljivanja javnog poziva oprema ne

smije biti starija od 5 godina od godine proizvodnje i mora biti kupljena od registrovanog privrednog subjekta);

b) stavljanje u funkciju radnog prostora i proizvodnih procesa rada (što podrazumijeva zakup, adaptaciju i/ili rekonstrukciju proizvodnog prostora).

Sredstvo obezbjeđenja

Kao sredstvo obezbjeđenja za dodijeljena poticajna grant sredstva potencijalni korisnik dostavlja: ovjerenu, potpisanu i registrovanu bjanko mjenicu, sa ovjerenim i potpisanim mjeničnim ovlaštenjem.

Potrebna dokumentacija

Dokumentacija koja se obavezno dostavlja prilikom podnošenja zahtjeva za učešće u I fazi Projekta:

- popunjena i potpisana Aplikacija sa opisom poslovne ideje (Aplikacijski obrazac);
- dokaz o starosnoj dobi od 18 do 30 godina (ovjerena kopija lične karte);
- Izjava o prihvatanju uslova Javnog poziva (Izjava ovjerena od općinskog organa);
- Izjava da za iste aktivnosti za koje konkurišu za dodjelu bespovratnih sredstava nisu koristili poticajna sredstva koja potiču iz Budžeta Kantona Sarajevo i budžeta jedinica lokalnih samouprava ili donatorskih organizacija (Izjava ovjerena od općinskog organa);
- uvjerenje o stepenu stručne spreme (ovjerena kopija diplome);
- dokaz o statusu nezaposlene osobe (potvrda Službe za zapošljavanje ili Izjava ovjerena od općinskog organa);
- pismo preporuke ili pismo namjere (ukoliko postoji).

Aplikacijski obrazac može se preuzeti u prostorijama Privredne komore Kantona Sarajevo ili na web-stranicama Komore i Ministarstva privrede: www.pksa.ba i <http://mp.ks.gov.ba>

Kandidati koji uspješno završe prvu fazu projekta, u obavezi su da za drugu fazu projekta (bespovratna sredstva i mentoring) dostave sljedeću dokumentaciju:

- potvrda o završenoj obuci za započinjanje biznisa iz I faze Projekta;
- u potpunosti izrađen biznis plan.

Dokumentacija za II fazu Projekta podnosi se u roku od 10 dana od posljednjeg dana obuke. Korisnik poticajnih sredstava ima obavezu da u roku od šest (6) mjeseci dostavi Rješenje o registraciji poslovnog subjekta, dokaze o izvedenim radovima i utrošenim sredstvima za koja su odobrena sredstva po prihvaćenom projektu, odnosno Ugovor i/ili račune kojima se dokazuje namjensko korištenje sredstava i dokaz o plaćanju dostavljenih računa (izvod iz banke), te po mogućnosti foto-dokumentaciju mašina, postrojenja, opreme koja je nabavljena ili prostora koji je uređen.

Po uredno prispjelim zahtjevom, ocjenu i izbor korisnika I i II faze Projekta vršit će Komisija, koja utvrđuje prijedlog krajnjih korisnika i iznose sredstava za odabrane projekte. Nakon izvršenog izbora, izabrani korisnici zaključuju ugovor sa Ministarstvom privrede i PKKS. Izabrani korisnici dužni su da prije potpisivanja ugovora dostave sredstvo obezbjeđenja (mjenica i mjenično ovlaštenje dužnika) i dokaz o obezbijedenom sopstvenom učešću - minimalno 20% sredstava od ukupnog iznosa opravdanih troškova projekta.

Način prijavljivanja i rok za podnošenje prijave

Dokumentacija koja se obavezno dostavlja prilikom podnošenja zahtjeva za učešće u prvoj fazi Projekta (obuke) dostavlja se u zatvorenoj koverti direktno na protokol PKKS ili preporučeno putem pošte na adresu: Privredna komora Kantona Sarajevo, Ulica La Benevolencija broj 8, 71000 Sarajevo, sa naznakom "Ne otvarati - po Javnom pozivu za "Projekat podrške mladim osobama za započinjanje posla – Start up". Prijave sa potrebnom dokumentacijom, dostaviti najkasnije u roku od 30 dana od objavljivanja Javnog poziva u dnevnim novinama. PKKS ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja.

Sve dodatne informacije mogu se dobiti putem telefona: 033 250 100.

Nepotpune i neblagovremene prijave neće se uzeti u razmatranje.

PREDSJEDNIK PRIVREDNE
KOMORE KANTONA SARAJEVO

Muamer Mahmutović, MBA